

慧日佛學班第 11 期／福嚴推廣教育班第 22 期

《大智度論》卷 74

〈釋轉不轉品第五十六之餘〉¹

(大正 25, 577a23-580b1)

釋厚觀 (2011.12.10)

【經】

【參】重詳阿鞞跋致相

一、誠聽

「復次，須菩提！今當更說阿鞞跋致菩薩摩訶薩行、類、相貌，一心諦聽！」

二、正說

（一）無諸戲論

1、不說蘊、處、界事

佛告須菩提：「菩（577b）薩摩訶薩行般若波羅蜜，常不離²阿耨多羅三藐三菩提心故，不說五眾事，不說十二入事，不說十八界事。何以故？常念觀五眾空相、十二入、十八界空相故。³

2、不說種種世間事

是菩薩摩訶薩不好說官事⁴，何以故？是菩薩諸法空相中住，不見法若貴、若賤。⁵不好說賊事，何以故？諸法自相空故，不見若得、若失。不好說軍事，何以故？諸法自相空故，不見若多、若少。⁶不好說鬪事，何以故？是菩薩摩訶薩住諸法如中，不見法若憎、若愛。不好說婦女事，何以故？住諸法空中，不見好、醜故。不好說聚落事，何以故？諸法自相空故，不見法若合、若散。⁷不好說城邑事，何以故？住諸法實相⁸中，不見有勝、有負。⁹

¹（大智……四）十九字＝（大智度論卷第七十四釋第五十六品下訖第五十七品上）二十三字【宋】【元】【宮】，（大智度論卷第七十四釋不退論品第五十六之下）二十字【明】。（大正 25，577d，n.9）

²不+（遠）【元】【明】【石】。（大正 25，577d，n.12）

³《大般若波羅蜜多經》卷 449〈54 轉不轉品〉：

佛言：「善現！一切不退轉菩薩摩訶薩修行般若波羅蜜多，通達諸法皆無所有，常不遠離菩提作意，不樂觀察論說諸蘊、諸處、諸界。所以者何？是菩薩摩訶薩於蘊、處、界性相空理，已善思惟、善通達故。」（大正 7，266b6-11）

⁴官事：1.官府的事。（《漢語大詞典》（三），p.1383）

⁵《大般若波羅蜜多經》卷 449〈54 轉不轉品〉：「善現！是菩薩摩訶薩不樂觀察論說王事。所以者何？是菩薩摩訶薩住本性空，不見少法有勝有劣貴賤相故。」（大正 7，266b13-16）

⁶《大般若波羅蜜多經》卷 449〈54 轉不轉品〉：「善現！是菩薩摩訶薩不樂觀察論說軍事。所以者何？是菩薩摩訶薩住本性空，不見諸法有多有少聚散相故。」（大正 7，266b18-21）

⁷《大般若波羅蜜多經》卷 449〈54 轉不轉品〉：「善現！是菩薩摩訶薩不樂觀察論說聚落事。所以者何？是菩薩摩訶薩住一切法空，不見少法有增有減合離相故。」（大正 7，266b26-29）

⁸相＝際【宋】【元】【明】【宮】。（大正 25，577d，n.13）

不好說國事，何以故？住實際中，不見法有所屬、有不屬。¹⁰

不好說我事，何以故？法性中住，不見法是我、是無我，乃至不見知者、見者。

如是等，不說種種世間事，但好說般若波羅蜜，¹¹不遠離薩婆若心。¹²

（二）正行六度，不為六蔽

若行檀波羅蜜時，不為慳貪事；行尸¹³波羅蜜時，不為破戒事；行羸提波羅蜜時，不為瞋諍事；行毘梨耶波羅蜜時，不為懈怠事；行禪波羅蜜時，不為散亂事；行般若波羅蜜時，不為愚癡事。

（三）雖行一切法空而樂法，雖行法性亦常讚不壞法，愛樂善知識

是菩薩雖行一切法空，而樂法¹⁴、愛¹⁵法。

是菩薩雖行法性，常讚不壞法，而愛樂善知識——所謂諸佛及菩薩、聲聞、辟支佛諸能教化令樂住阿耨多羅三藐三菩提者。¹⁶

（四）為眾生生於欲界，隨願受生於現在有佛處

是人常願欲見諸佛，聞在所處國土中有現在佛，隨願往生。如是心常晝夜行，所謂念佛心。

如是，須菩提！阿鞞跋致菩薩摩訶薩行初禪乃至非有想非無想處，（577c）以方便力故起欲界心，若¹⁷眾生能行十善道者及現在有佛處在中生。

如是行、類、相貌，當知是為阿鞞跋致菩薩摩訶薩。¹⁸

⁹（1）《放光般若經》卷 13〈57 堅固品〉：「須菩提！阿惟越致不說城郭事。何以故？住於虛空之空，亦不見聚，亦不見散。」（大正 8，88c7-8）

（2）《大般若波羅蜜多經》卷 449〈54 轉不轉品〉：「是菩薩摩訶薩不樂觀察、論說城邑事。何以故？是菩薩摩訶薩住虛空界空，不見少法有攝、不攝好惡相故。」（大正 7，266b24-26）

¹⁰《大般若波羅蜜多經》卷 449〈54 轉不轉品〉：「善現！是菩薩摩訶薩不樂觀察論說國土事。所以者何？是菩薩摩訶薩安住實際，不見諸法有屬、不屬此彼相故。」（大正 7，266b29-c2）

¹¹不退菩薩好說般若。（印順法師，《大智度論筆記》〔E021〕p.320）

¹²《大般若波羅蜜多經》卷 449〈54 轉不轉品〉：「善現！是菩薩摩訶薩不樂觀察論說世間如是等事，但樂觀察論說般若波羅蜜多。所以者何？甚深般若波羅蜜多遠離眾相，能證無上正等覺故。」（大正 7，266c8-11）

¹³尸+（羅）【宋】【元】【明】【宮】。（大正 25，577d，n.14）

¹⁴〔樂法〕—【石】。（大正 25，577d，n.15）

¹⁵愛+（樂）【石】。（大正 25，577d，n.16）

¹⁶《大般若波羅蜜多經》卷 449〈54 轉不轉品〉：「善現！是菩薩摩訶薩雖行一切法空，而愛樂正法不愛非法，恒願饒益一切有情。

善現！是菩薩摩訶薩雖行不可得空，而常稱讚三寶功德，利益安樂一切有情。

善現！是菩薩摩訶薩雖行諸法真如法界一味之相，而樂稱讚真如法界種種功德。

善現！是菩薩摩訶薩雖知諸法皆畢竟空，而愛善友不樂惡友。言善友者謂佛、菩薩；若諸聲聞、獨覺乘等，能善教化安立有情，令趣無上正等菩提，亦名善友。」（大正 7，266c17-26）

¹⁷若=為【石】。（大正 25，577d，n.17）

¹⁸《大般若波羅蜜多經》卷 449〈54 轉不轉品〉：「善現！是菩薩摩訶薩常樂親觀一切如來、應、正等覺，若聞如來、應、正等覺在餘世界現說正法，即以願力往生彼界，供養恭敬、尊重讚歎聽受正法。

善現！是菩薩摩訶薩若晝若夜常不遠離念佛作意，常不遠離聞法作意，由此因緣，隨諸國土有佛世尊現說正法，即乘願力往彼受生，或乘神通往彼聽法。由是因緣，此諸菩薩生生之處

(五) 於自所證，心不疑**1、法說**

復次，須菩提！阿鞞跋致菩薩摩訶薩行般若波羅蜜時，住內空、外空乃至無法有法空，住四念處乃至空、無相、無作解脫門；於自地中了了¹⁹，不疑：『我是阿鞞跋致，非阿鞞跋致。』

何以故？乃至不見少許法於阿耨多羅三藐三菩提中若轉、若不轉。²⁰

2、法喻合說**(1) 舉初果喻**

須菩提！譬如人得須陀洹果，住須陀洹地中，自了²¹知，終不疑不悔；阿鞞跋致菩薩摩訶薩亦如是，住阿鞞跋致地中，終不疑。

住是地中，淨佛世界²²、成就眾生。種種魔事起，即時覺知；亦不隨魔事，破壞魔事。²³

(2) 舉五逆罪喻

須菩提！譬如有人作五逆罪，五逆罪心乃至死時常逐不捨，雖有異心不能障隔。

須菩提！阿鞞跋致菩薩摩訶薩亦如是，自住其地，心常不動，一切世間天、人、阿修羅不能動轉。²⁴

常不離佛，恒聞正法無間無斷。

善現！是菩薩摩訶薩常為利樂諸有情故，雖能現起初靜慮定乃至非想非非想處定，而巧方便起欲界心，教諸有情十善業道，亦隨願力現生欲界有佛國土，供養恭敬、尊重讚歎諸佛世尊，聽聞正法修諸勝行。善現！若菩薩摩訶薩成就如是諸行、狀、相，知是不退轉菩薩摩訶薩。」
(大正 7, 266c26-267a12)

¹⁹ 了+ (知)【元】【明】。(大正 25, 577d, n.18)

²⁰ 《大般若波羅蜜多經》卷 449〈54 轉不轉品〉：

復次，善現！一切不退轉菩薩摩訶薩常修布施乃至般若波羅蜜多，常行內空乃至無性自性空，常行真如乃至不思議界，常行苦、集、滅、道聖諦，常修四念住乃至八聖道支，常修四靜慮、四無量、四無色定，常修八解脫、八勝處、九次第定、十遍處，常修空、無相、無願解脫門，常修五眼、六神通，常修一切陀羅尼門、三摩地門，常修佛十力乃至十八不共法，常修無忘失法、恒住捨性，常修一切智、道相智、一切相智，常修一切菩薩摩訶薩行，常求無上正等菩提。

善現！是菩薩摩訶薩常於自地不起疑惑，不作是念：「我是不退轉，我非不退轉。」所以者何？是菩薩摩訶薩不見少法可於無上正等菩提說有退轉、說無退轉。(大正 7, 267a12-26)

²¹ 了+ (了)【宋】【元】【明】【宮】。(大正 25, 577d, n.19)

²² 世界=國土【石】* [* 1]。(大正 25, 577d, n.20)

²³ 《大般若波羅蜜多經》卷 449〈54 轉不轉品〉：「善現！是菩薩摩訶薩於自地法無惑無疑。所以者何？是菩薩摩訶薩於自地法，已善了知、善通達故。

善現！如預流者住預流果，於自果法無惑無疑；一來、不還、阿羅漢、獨覺及諸如來、應、正等覺各住自果，於自果法亦無惑無疑。是菩薩摩訶薩亦復如是，於自所住不退轉地所攝諸法，現知現見，無惑無疑。

善現！是菩薩摩訶薩住此地中，成熟有情、嚴淨佛土修諸功德，有魔事起即能覺知，不隨魔事勢力而轉，善能摧伏種種魔事，令不障礙所修功德。」(大正 7, 267a26-b7)

²⁴ 《大般若波羅蜜多經》卷 449〈54 轉不轉品〉：「善現！如有造作無間業者，彼無間心恒常隨逐，乃至命終亦不能捨。何以故？善現！彼能等起無間業纏增上勢力恒常隨轉，乃至命盡亦

貳、阿鞞跋致菩薩所行之事

（壹）嚴土熟生，親近諸佛請問法要

何以故？是菩薩摩訶薩出一切世間天、人、阿修羅上，入正法位中，自證地中住。具足諸菩薩神通，能淨佛世界、成就眾生；從一佛界至一佛界，於十方佛所，殖²⁵諸善根，親近、諮問諸佛。²⁶

（貳）諸魔事起，覺而不隨

是菩薩如是住，種種魔事起，覺而不隨；以方便力處魔事著實際中；自證地中，不疑、不悔。何以故？實際中無疑相故，知是實際非一非二。²⁷

（參）即使轉受生，終不向二乘地

以是因緣故，是人乃至轉身終不向聲聞、辟支佛地。是菩薩摩訶薩諸法自相空中不見法若生若滅、若垢若淨。須菩提！是菩薩摩訶薩乃至轉身亦不疑：『我當得阿耨多羅三藐三菩提？若不得？』何以故？（578a）須菩提！諸法自相空即是阿耨多羅三藐三菩提。²⁸

（肆）成就不動慧，世無能壞

一、正說

須菩提！是菩薩摩訶薩住自證地中，不隨他語，無能壞者。何以故？是阿鞞跋致菩薩摩訶薩成就不動智慧故。²⁹

須菩提！以是行、類、相貌，當知是名³⁰阿鞞跋致菩薩摩訶薩。

二、舉證

（一）魔勸取證阿羅漢，不為所擾

復次，須菩提！是菩薩摩訶薩若惡魔作佛身來，語菩薩言：『汝今於是間³¹取阿羅漢

不能伏，設有餘心不能遮礙。是菩薩摩訶薩亦復如是，安住自地其心不動，無所分別，世間天、人、阿素洛等皆不能轉。』（大正 7，267b7-12）

²⁵ 殖（出ノ）：2.積聚，聚集。4.增加，增長。5.種植。（《漢語大詞典》（五），p.166）

²⁶ 《大般若波羅蜜多經》卷 449〈54 轉不轉品〉：「何以故？善現！是菩薩摩訶薩其心堅固，超諸世間天、人、魔、梵、阿素洛等，已入菩薩正性離生住不退地，已得菩薩殊勝神通，成熟有情、嚴淨佛土，從一佛國至一佛國，供養恭敬、尊重讚歎諸佛世尊及佛弟子，聽聞正法，於諸佛所種諸善根，請問菩薩所學法義。」（大正 7，267b13-18）

²⁷ 《大般若波羅蜜多經》卷 449〈54 轉不轉品〉：「善現！是菩薩摩訶薩安住自地，修行般若波羅蜜多及餘善法，有魔事起即能覺知，終不隨順魔事，而轉方便善巧集諸魔事，置實際中方便除滅，於自地法無惑無疑。所以者何？是菩薩摩訶薩知一切法皆入實際，通達實際非一非多，於實際中無所分別，以於實際無惑無疑，於自地法亦無猶豫。」（大正 7，267b18-25）

²⁸ 《大般若波羅蜜多經》卷 449〈54 轉不轉品〉：「善現！是菩薩摩訶薩設轉受生，亦於實際無復退轉，終不發起趣向聲聞、獨覺地心。所以者何？是菩薩摩訶薩達一切法自相皆空，於此空中不見有法若生若滅、若染若淨。

善現！是菩薩摩訶薩乃至轉身，亦不疑我當得無上正等菩提為不當得。何以故？是菩薩摩訶薩達一切法皆自相空，即是無上正等菩提。」（大正 7，267b25-c3）

²⁹ 《大般若波羅蜜多經》卷 449〈54 轉不轉品〉：「善現！是菩薩摩訶薩安住自地不隨他緣，於自地法無能壞者。何以故？是菩薩摩訶薩成就不動無退轉智，一切惡緣不能傾動。」（大正 7，267c3-6）

³⁰ 〔名〕—【宋】【元】【明】【宮】。（大正 25，578d，n.1）

道。汝亦無阿耨多羅三藐三菩提記，汝亦未得無生法忍³²，汝亦無是阿鞞跋致行、類、相貌，亦無是相得受阿耨多羅三藐三菩提記。』

須菩提！若菩薩摩訶薩聞是語，心不異、不沒、不驚³³、不畏；是菩薩³⁴應自知：『我必從諸佛受阿耨多羅三藐三菩提記。何以故？諸菩薩以是法受³⁵記，我亦有是法得受記。』

（二）魔化佛身授二乘記，不為所擾

須菩提！若惡魔、若為魔所使作佛形像來，與菩薩受³⁶聲聞、辟支佛記。

須菩提！是菩薩作是念：『是惡魔、若為³⁷魔所使作佛形像來語³⁸。佛不應教菩薩遠離阿耨多羅三藐三菩提，教住聲聞、辟支佛道。』

須菩提！以是行、類、相貌，當知是名阿鞞跋致相。

（三）魔謗所學非佛說，不為所擾

復次，須菩提！惡魔作³⁹佛身來到菩薩所，作是言：『汝所學經書非佛所說、亦非聲聞⁴⁰說，是魔所說。』

須菩提！是菩薩摩訶薩當作是知：『是惡魔、若魔所使，教我遠離阿耨多羅三藐三菩提。』須菩提！當知是菩薩已為過去佛所受記，住阿鞞跋致地。

何以故？諸菩薩所有阿鞞跋致行、類、相貌，是菩薩亦有是行、類、相貌，是名阿鞞跋致菩薩相。⁴¹

（伍）護持佛法，不惜身命

復次，須菩提！阿鞞跋致菩薩摩訶薩行般若波羅蜜時，為護持諸⁴²法故，不惜身命，何況餘（578b）物！

是菩薩護持法故，作是念：『我不為護持一佛法故⁴³，我為護持三世十方諸佛法故。』⁴⁴

³¹ 聞=聞【石】。（大正 25，578d，n.2）

³² 法忍=忍法【宋】【宮】。（大正 25，578d，n.3）

³³ 驚+（不怖）【石】。（大正 25，578d，n.4）

³⁴ 薩+（摩訶薩）【石】。（大正 25，578d，n.5）

³⁵ 受=授【明】。（大正 25，578d，n.6）

³⁶ 受=授【元】【明】。（大正 25，578d，n.7）

³⁷ 〔為〕-【宋】【宮】。（大正 25，578d，n.8）

³⁸ 語=諸【宮】，+（諸）【石】。（大正 25，578d，n.9）

³⁹ （復）+作【宋】【元】【明】【宮】【石】。（大正 25，578d，n.10）

⁴⁰ 聞+（所）【石】。（大正 25，578d，n.11）

⁴¹ 《大般若波羅蜜多經》卷 449〈54 轉不轉品〉：

善現！是菩薩摩訶薩，設有惡魔或魔使者詐現佛像語菩薩言：「汝所受持大乘經典非佛所說，亦非如來弟子所說，是諸惡魔或諸外道為誑惑汝作如是說，汝今不應受持、讀誦。」是菩薩摩訶薩聞彼語已，作是念言：「此定惡魔或魔眷屬，令我厭捨所求無上正等菩提故，說大乘甚深經典非佛所說，亦非如來弟子所說。所以者何？離此經典能得無上正等菩提，定無是處。」善現！是菩薩摩訶薩當知已住不退轉地，過去諸佛久已授彼大菩提記。何以故？是菩薩摩訶薩具足成就不退轉地諸行、狀、相，若諸菩薩成就如是諸行、狀、相，當知已受大菩提記，必已安住不退轉地。善現！若菩薩摩訶薩成就如是諸行、狀、相，知是不退轉菩薩摩訶薩。（大正 7，267c28-268a13）

⁴² 諸+（佛）【石】。（大正 25，578d，n.12）

須菩提！云何菩薩摩訶薩護持佛⁴⁵法故不惜身命？

須菩提！如佛說：『一切諸法真空。』是時，有愚癡人破壞、不受，作是言：『是非法，非善，非世尊教！』須菩提！菩薩護持如是法故，不惜身命。⁴⁶

菩薩亦應作是念：『未來世諸佛，我亦在是數中，在中受記，是法亦是我法，以是故不惜身命。』

須菩提！菩薩見是利益故，護持是⁴⁷法，不惜身命。

須菩提！以是行、類、相貌，知是阿鞞跋致相。⁴⁸

（陸）得陀羅尼，聞法不失

復次，須菩提！阿鞞跋致菩薩摩訶薩聞佛說法，不疑、不悔，聞已受持，終不忘失。何以故？得陀羅尼故。」

須菩提言：「世尊！得何等陀羅尼，聞佛所說諸經而不忘失？」

佛告須菩提：「菩薩得聞持等陀羅尼故，聞⁴⁹佛說諸經，不忘、不失，不疑、不悔。」⁵⁰

⁴³ [故] — 【宋】【元】【明】【宮】。(大正 25, 578d, n.13)

⁴⁴ 《大般若波羅蜜多經》卷 449〈54 轉不轉品〉：

復次，善現！一切不退轉菩薩摩訶薩行甚深般若波羅蜜多時，攝受正法，護持正法，不惜身命，況餘親財！是菩薩摩訶薩常作是念：「我寧棄捨親友、珍財及自身命，終不棄捨諸佛正法。何以故？親友、珍財及自身命，生生恒有甚為易得，諸佛正法百千俱胝那庾多劫乃得一遇，遇已長夜獲大利樂，故我定應精勤守護。」善現！是菩薩摩訶薩護正法時應作是念：「我不為護一佛、二佛乃至百千諸佛正法，普為護持十方三世諸佛正法，令不虧損。」(大正 7, 268a13-23)

⁴⁵ [佛] — 【宋】【宮】。(大正 25, 578d, n.14)

⁴⁶ 《大般若波羅蜜多經》卷 449〈54 轉不轉品〉：

佛告善現：「一切如來、應、正等覺所覺所說一切法空，如是名為諸佛正法。有愚癡類誹謗毀訾，言此非法、非毘奈耶，非天人師所說聖教，修行此法不得無上正等菩提，不證涅槃究竟安樂。善現！是菩薩摩訶薩護持此法不惜身命，恒作是念：『諸佛所說一切法空是諸有情所歸依處，菩薩修學速證無上正等菩提，拔諸有情生老病死，令得究竟安樂涅槃，故應護持不惜身命。』」(大正 7, 268a25-b5)

⁴⁷ [是] — 【宋】【宮】。(大正 25, 578d, n.15)

⁴⁸ 《大般若波羅蜜多經》卷 449〈54 轉不轉品〉：

又作是念：「我亦墮在未來佛數，佛已授我大菩提記，由此因緣，諸佛正法即是我法，我應護持不惜身命，我未來世得作佛時，亦為有情當說如是諸法空故。」善現！是菩薩摩訶薩見此義利，護持如來所說正法，不惜身命，乃至無上正等菩提，常無懈廢。善現！若菩薩摩訶薩成就如是諸行、狀、相，知是不退轉菩薩摩訶薩。(大正 7, 268b5-12)

⁴⁹ [聞] — 【宋】【元】【明】【宮】。(大正 25, 578d, n.16)

⁵⁰ (1) 《放光般若經》卷 13〈57 堅固品〉：

須菩提白佛言：「世尊！菩薩得何等陀羅尼，能受持諸如來、無所著、等正覺法而不遺忘？」

佛言：「菩薩以得聞持等陀羅尼，便能受持諸佛經法而不遺忘。」(大正 8, 89b23-26)

(2) 《大般若波羅蜜多經》卷 449〈54 轉不轉品〉：

「世尊！是菩薩摩訶薩已得何等陀羅尼故，聞諸如來應正等覺所說正法，無惑、無疑，聞已受持，常不忘失？」

佛言：「善現！是菩薩摩訶薩已得無盡藏陀羅尼、海印陀羅尼、蓮花眾藏陀羅尼等故，聞諸如來應正等覺所說正法，無惑、無疑，聞已受持，常不忘失。」(大正 7, 268b16-22)

須菩提白佛言：「世尊！但聞佛說法不忘、不失，不疑、不悔；聲⁵¹聞、辟支佛說，天、龍、鬼神、阿修羅、緊那羅、摩睺羅伽說，亦復不忘、不失，不疑、不悔耶？」

佛告須菩提：「所有言說眾事，得陀羅尼菩薩皆不忘、不失，不疑、不悔。

須菩提！如是行、類、相貌成就故，當知是阿鞞跋致菩薩摩訶薩。」⁵²

【論】⁵³釋曰：

（參）重詳阿鞞跋致相

一、誠聽

佛更欲細說阿鞞跋致相故，告須菩提：「一心諦聽！」

二、正說

（一）無諸戲論

1、不說蘊、處、界事

是菩薩常不離阿耨多羅三藐三菩提，樂行畢竟空故，不喜說分別五眾、十二入、十八界決定相。

2、不說種種世間事

又不喜說國王等事。

如餘外道，受他供養，無正道故，虛妄深⁵⁴著，心懈怠⁵⁵故，說諸⁵⁶國事，分別過去⁵⁷世諸王力勢等樂。

阿鞞跋致菩薩不說是事。見一切世（578c）間常為無常火燒，眾生可愍！我未得佛道，我但應說度眾生法，不應說餘事。一切法畢竟空故，大小相不可得。

賊等事亦如是。

「畢竟空」即是「如」、「法性」、「實際」。⁵⁸

（二）正行六度，不為六蔽

行六波羅蜜，不說六弊。

（三）雖行一切法空而樂法，雖行法性亦常讚不壞法，愛樂善知識

1、雖安住一切法空，而復愛樂法

菩薩雖安住一切法空中，而樂法、愛法。何以故？

是菩薩不著是一切法空故。

⁵¹（聞）+聲【元】【明】。（大正 25，578d，n.17）

⁵²《大般若波羅蜜多經》卷 449〈54 轉不轉品〉：

佛言：「善現！是菩薩摩訶薩普聞一切有情言音文字義趣，悉能解了無惑無疑，窮未來際常不忘失。所以者何？是菩薩摩訶薩已得無盡藏陀羅尼等，任持所說令不忘故。善現！若菩薩摩訶薩成就如是諸行、狀、相，知是不退轉菩薩摩訶薩。」（大正 7，268b26-c2）

⁵³〔【論】〕—【宋】【宮】。（大正 25，578d，n.18）

⁵⁴深=染【宋】【元】【明】【宮】* [* 1]。（大正 25，578d，n.19）

⁵⁵懈怠=解愁【宋】【元】【明】【宮】【石】。（大正 25，578d，n.20）

⁵⁶〔諸〕—【宋】【元】【明】【宮】。（大正 25，578d，n.21）

⁵⁷〔去〕—【石】。（大正 25，578d，n.22）

⁵⁸畢竟空：即如、法性、實際。（印順法師，《大智度論筆記》〔E013〕p.309）

又我行次第法——禪定、智慧等，然後得一切法空。⁵⁹
此空不可但⁶⁰口說而心著，是故先行次第法。

2、憐愍眾生分別說，亦不壞法性

復次，法性中不分別諸法故，法性非破壞相。

是菩薩不著法性，憐愍眾生，為種種分別善、不善法⁶¹等，令眾生得解；雖為眾生如是說，亦常讚歎不壞法，引導眾生令入法性中故。

3、愛樂善知識

復次，阿鞞跋致菩薩更無親善，但以諸佛及大菩薩、諸能讚歎實⁶²相法者為親善。

（四）為眾生生於欲界，隨願受生於現在有佛處

是人功德、智慧大故，隨意所往，若欲至諸佛世界⁶³，隨意得生。

是菩薩雖離⁶⁴欲得諸禪定，以方便力故，為眾生生欲界、有現在佛處。

「生欲界」者，故為眾生留愛慢分，不以此禪定果報生色、無色界；但以禪定柔和其心，不受其報。⁶⁵

（五）於自所證，心不疑

1、法說

（1）安住空法中

復次，是菩薩安住內空等諸空中。

「安住」者，深入通達。

（2）於自所證無疑

A、心無所著故

心無所著，故不生疑：「我是阿鞞跋致、非阿鞞跋致。」

自心中深入智慧故，是名「自地證」。

B、不見法若轉、若不轉故

又是人不見一切法若轉、若不轉，是故不生疑。

C、行無相三昧，於法不取相故

「疑」，名取相有所得。如人夜見樹杙⁶⁶，尋復生念，人形亦爾，便生疑心；若取此二相故名「疑」。

菩薩行無相三昧故，於一切法中不取相，則無生疑處。

2、法喻合說

（1）釋喻意

⁵⁹ 行次第法〔禪定、智慧〕，然後得一切法空。（印順法師，《大智度論筆記》〔E021〕p.320）

⁶⁰ 但＝得【宋】【元】【明】【宮】。（大正 25，578d，n.24）

⁶¹ 法＋（法）【石】。（大正 25，578d，n.25）

⁶² （諸）＋實【宋】【元】【明】【宮】。（大正 25，578d，n.26）

⁶³ 世界＝國【石】＊〔＊ 1 2〕。（大正 25，578d，n.27）

⁶⁴ 〔離〕－【宋】【元】【明】【宮】。（大正 25，578d，n.28）

⁶⁵ 不退菩薩，留愛慢分，雖行諸禪，還生欲界。（印順法師，《大智度論筆記》〔E021〕p.320）

⁶⁶ 杙（ㄨㄛˋ）：2.樹木沒有枝丫。3.指樹木斫伐後剩下的樁子。（《漢語大詞典》（四），p.773）

A、舉初果喻

此中佛說譬喻：「如須陀洹從無始世來，未得是無漏智慧；(579a) 三結斷故，即自知得無漏法，於四諦中定心不疑，若苦、若樂。阿鞞跋致亦如是，從無始世來，未得諸法實相，所謂阿鞞跋致地；得時，亦不生疑。」

諸生疑者，見違失事，不如本所聞故。

是菩薩於一切法畢竟空故，不得是不如所聞法，疑無住處故無疑；自知此是究竟道，不可論、不可破。

住是地中，教化眾生、淨佛世界，亦能以方便力故，破種種魔事。

B、舉五逆罪喻

是阿鞞跋致法常隨逐菩薩，乃至成佛。

(2) 明舉初果、五逆罪為喻之理由

此中佛說二譬喻：一者、須陀洹，二者、五逆⁶⁷。

是二心厚重故不可却：須陀洹心，常不⁶⁸却；五逆心，罪畢乃除——如人著衰，鬼常隨逐。阿鞞跋致心，復過於是。

(3) 釋「阿鞞跋致菩薩自住其地，心常不動」

「阿鞞跋致心，一切無能動轉」者，種種苦事逼迫不能動，種種供養利樂因緣不能令捨實相心及慈悲心。

貳、阿鞞跋致菩薩所行之事**(壹) 嚴土熟生，親近諸佛請問法要**

上來種種說阿鞞跋致相貌；今說其行事，所謂教化眾生、淨佛世界，從諸佛所新種善根，從一佛諮問諸佛諸深法要及種種度眾生門。⁶⁹

(貳) 諸魔事起，覺而不隨

十方種種魔事起而不隨逐；以方便力，觀是魔事如佛法，觀諸魔身如佛無異。⁷⁰所以者何？一切法及實際同一相，所謂「無相」故。

(參) 即使轉受生，終不向二乘地

是人轉身，亦不向聲聞、辟支佛地。何以故？是菩薩初得阿鞞跋致地時，知一切法實相空；轉身，心亦不向二地。

心不自疑若得無上道、若不得。

(肆) 成就不動慧，世無能壞**一、正說**

是菩薩世世無人能降伏破壞者。

⁶⁷ 《正法念處經》卷 64〈7 身念處品〉：「云何五逆？若有眾生殺父、殺母、殺阿羅漢、破和合僧、若以惡心出佛身血。如是五種大惡業故，墮阿鼻地獄。」(大正 17, 381b13-15)

⁶⁸ 不+ (可)【宋】【元】【明】【宮】。(大正 25, 579d, n.1)

⁶⁹ 《正觀》(6), p.187: 經文在〈55 阿毘跋致品〉、〈56 轉不轉品〉, 說明阿鞞跋致菩薩的特徵, 到此處行將結束, 所以再一次結說阿鞞跋致菩薩的行持內容。

⁷⁰ 魔佛一如之觀。(印順法師,《大智度論筆記》[E022] p.320)

二、舉證

（一）魔勸取證阿羅漢，不為所擾

佛為驗是菩薩故作譬喻：「若魔作佛身來，欲誑試是菩薩，語言：『汝可今世取阿羅漢，汝無阿鞞跋致相可得佛道；無生忍法⁷¹即是無⁷²一切法，是中云何可得（579b）忍？』」

若菩薩聞是，心不退沒，是菩薩自知必從諸佛受記。何以故？我有無生法忍，聞是魔事，心不怖畏故。

（二）魔化佛身授二乘記，不為所擾

復次，惡魔知⁷³菩薩歡喜，與授⁷⁴聲聞、辟支佛道記⁷⁵——若今世得阿羅漢，後世得辟支佛道⁷⁶。

若菩薩不隨此變化佛身語，覺知是魔、若魔所使。何以故？身是而言非。如試金錢，彈之聲出，則知其真偽。

若佛與菩薩受⁷⁷聲聞、辟支佛記，終無是處！所以者何？諸佛種種方便欲令一切人盡入佛道，⁷⁸云何引菩薩與聲聞記？

（三）魔謗所學非佛說，不為所擾

復次，魔作⁷⁹佛身，語菩薩言：「汝所行經書，盡是魔所說。」是菩薩覺知是魔事——當知是菩薩已得受記，安住阿鞞跋致⁸⁰中。

（伍）護持佛法，不惜身命

一、阿鞞跋致菩薩深愛樂法故，聞甚深法生大歡喜

復次，阿鞞跋致菩薩深愛樂法故，聞即心深，衣⁸¹毛皆豎；念佛大悲，則歡喜悲⁸²泣；或於甚深法中生大歡喜——當知是阿鞞跋致。

譬如大軍，退敗則怖懼迷悶，臥地似死；親族見之，欲知活不，以杖鞭之，若癩⁸³疹⁸⁴起者，則知必活。

⁷¹ 忍法=法忍【宋】【元】【明】【宮】。（大正 25，579d，n.2）

⁷² 〔無〕—【宋】【元】【明】【宮】。（大正 25，579d，n.3）

⁷³ 知+（是）【宋】【元】【明】【宮】【石】。（大正 25，579d，n.4）

⁷⁴ 授=受【宋】【宮】。（大正 25，579d，n.5）

⁷⁵ 記+（者）【元】【明】【石】。（大正 25，579d，n.6）

⁷⁶ 〔道〕—【宋】【元】【明】【宮】。（大正 25，579d，n.7）

⁷⁷ 受=授【宋】【元】【明】【宮】。（大正 25，579d，n.8）

⁷⁸ 一切眾生皆得成佛。（印順法師，《大智度論筆記》〔E004〕p.293）

⁷⁹ （復化）+作【宋】【元】【明】【宮】【石】。（大正 25，579d，n.10）

⁸⁰ 致+（性）【宋】【元】【明】【宮】。（大正 25，579d，n.11）

⁸¹ 衣：4.蒙覆在器物或自然物表面的東西。（《漢語大詞典》（九），p.16）

⁸² 悲=並【宮】，=涕【石】。（大正 25，579d，n.13）

⁸³ 癩=隱【宋】【宮】【石】。（大正 25，579d，n.14）

⁸⁴ （1）疹=軫【宋】【宮】【石】，=疹【元】【明】。（大正 25，579d，n.15）

（2）癩（一ㄣˇ）疹：蕁麻疹。《醫宗金鑒·痘疹心法要訣·癩疹》“心火灼肺風濕毒，隱隱疹點發皮膚”注：“癩疹者，乃心火灼於肺金，又兼外受風濕而成也。發必多癩，色則紅赤，癩癩於皮膚之中，故名曰癩疹。”（《漢語大詞典》（八），p.368）

菩薩亦如是，皆是肉身，何以故知必能成佛？若聞說佛法，身中相現——衣毛為豎，顏色相異；餘人聞不入心，則無異相，如死人無異。

二、明為法故捨身

(一) 正述

是菩薩深愛法故，能捨身命⁸⁵為法。

(二) 舉事明意

若佛、若佛弟子於大會種種因緣說諸法畢竟空；有一狂人，取音聲名字相，著是畢竟空，出其過罪：「若諸法盡畢竟空，則無佛、無法，無罪福業因緣，亦無修行精進得道果報！」如是等出無量過罪。

阿鞞跋致菩薩觀察、籌量，知說法⁸⁶有無著心、隨佛語憐愍故說；知狂人著語言取相，破是畢竟空。

爾時，阿鞞跋致則沒(579c)命⁸⁷佐助言：「是狂人言！是⁸⁸邪見人！自沒邪見，亦多化眾人令墮⁸⁹邪見，壞滅佛法。」

深懷瞋恨故，或自殺，或使弟子殺。⁹⁰

爾時，菩薩若死事至，為佐⁹¹法故，不以怖畏而壞⁹²諸法性。

(三) 釋為法而不惜身命之因緣

此中佛說因緣，菩薩作是念：「未來世佛，我亦在是數中，是法亦是我法；是我法故，不惜身命而守護之。」作是思惟：「我無量世中，為煩惱邪見故喪身無數；今為十方三世諸佛法佐助發起，若有益而死，勝無益而生。」

如是等為法故，不惜身命。

(陸) 得陀羅尼，聞法不失

一、聞法而能受持、不失、不疑

復次，是菩薩未成佛道，從佛聞甚深法，能盡受、不失⁹³。

信力故能受。

聞持陀羅尼力故不失。

斷疑陀羅尼力故不疑。

二、但聞佛語不忘失、不疑悔，聞餘語亦不忘失

須菩提問：「但聞佛語能信持不疑，聞餘語亦爾？」

⁸⁵ [命] — 【宋】【元】【明】【宮】。(大正 25, 579d, n.16)

⁸⁶ 法+ (者)【宋】【元】【明】【宮】。(大正 25, 579d, n.17)

⁸⁷ (1) 沒命：1.猶捨命。(《漢語大詞典》(五), p.985)

(2) 沒命：1.猶拼命。(《漢語大詞典》(五), p.985)

⁸⁸ [言是] — 【宋】【元】【明】。(大正 25, 579d, n.18)

⁸⁹ [墮] — 【宋】【元】【明】【宮】。(大正 25, 579d, n.19)

⁹⁰ 案：此句意為「狂人心懷瞋恨故，或自行、或指使弟子行殺害菩薩事」之意。

⁹¹ 佐+ (助)【石】。(大正 25, 579d, n.20)

⁹² 壞+ (壞)【宋】【元】【明】【宮】。(大正 25, 579d, n.21)

⁹³ 失=生【明】。(大正 25, 579d, n.22)

佛言：「一切有所說者皆能持——若二乘、天、龍等。」

所說有道理，能信、持、不疑；無道理者，持之無疑而不信。

復次，有人言：信是邪法，不疑不善、是善。

有人言：諸天、龍、二乘所說皆是佛法。

三、結

是⁹⁴阿鞞跋致相，聞則能持，無疑、無悔。是菩薩雖未作佛，於諸法實相中都無有疑。如是等行、類、相貌，是阿鞞跋致菩薩。

（柒）略論「阿鞞跋致相」

一、得何事而名阿鞞跋致

問曰：得何事來名「阿鞞跋致」？⁹⁵

答曰：

（一）第一說：種三十二相因緣

《阿毘曇毘婆沙》中說：「過三阿僧祇劫後，種三十二相因緣。」⁹⁶從是以⁹⁷來名阿鞞跋致。

（二）第二說：見然燈佛得授記

《毘尼⁹⁸阿波陀那》⁹⁹中說：「從見然燈佛，以五莖花散佛，以髮布地；佛為授阿鞞跋致記；騰身¹⁰⁰虛空，以偈讚佛。」從是已來，名阿鞞跋致。

⁹⁴（以）+是【宋】【元】【明】【宮】。（大正 25，579d，n.24）

⁹⁵參見《大智度論》卷 4〈1 序品〉（大正 25，86b16-c4）。

⁹⁶參見《大毘婆沙論》卷 177：「然從彼佛發是願後，乃至逢事實髻如來，是名初劫阿僧祇滿；從此以後，乃至逢事然燈如來，是名第二劫阿僧祇滿；復從此後，乃至逢事勝觀如來，是名第三劫阿僧祇滿。此後復經九十一劫修妙相業，至逢事迦葉波佛時，方得圓滿。」（大正 27，892a3-9）

⁹⁷以=已【宋】【元】【明】【宮】* [* 1 2]。（大正 25，579d，n.25）

⁹⁸泥=尼【石】。（大正 25，579d，n.26）

⁹⁹（1）《大智度論》卷 33〈1 序品〉：「阿波陀那者，與世間相似柔軟淺語。如《中阿含》中《長阿波陀那經》，《長阿含》中《大阿波陀那》，《毘尼》中億耳阿波陀那，二十億阿波陀那，《解二百五十戒經》中欲阿波陀那一部，菩薩阿波陀那出一部——如是等無量阿波陀那。」（大正 25，307b8-13）

（2）印順法師，《原始佛教聖典之集成》，pp.598-599：

「阿波陀那」，一般都譯為「譬喻」，是「十二分教」的一分；被推為分教的一分，應該是遲於「九分教」的。但立「九分教」的部派，如銅鑠部的《小部》中，有《阿波陀那》；大眾部所傳的《雜藏》中，也有「本行」。這可見立「九分教」，或立「十二分教」，雖部派間有所不同，而各派的聖典，有稱為「阿波陀那」的部類，卻是一致的。

在佛教中，「阿波陀那」為通俗而流行極廣的部類。對於北方佛教的開展，有著深遠廣大的影響。源遠流長，所以情形極為複雜。譯為「譬喻」的原語，有三：

1、apadāna, avadāna, 音譯為阿波陀那、阿婆陀那等；義譯為譬喻、證喻、本起等。巴梨《小部》的《譬喻》（apadāna），與此相合。

2、aupamyā, 《法華經》九分教中的「譬喻」，是使用此語的。aupamyā, 是一般的譬喻，為《阿含經》以來所常用。如蘆束喻、火宅喻、化城喻，都是這類的譬喻。

3、dṛṣṭānta, 也譯為譬喻，是因明中譬喻支的喻；譬喻師（dārṣṭāntika）由此語得名。然分教中的「譬喻」——「阿波陀那」，一向是以 apadāna, avadāna 為主的。「譬喻」

（三）第三說：具足六度、智慧方便，得無生忍，入菩薩位

此般若波羅蜜中，若菩薩具足行六波羅蜜，得智慧方便力，不著是畢竟空波羅蜜；觀一切法不生不滅、不增（580a）不減、不垢不淨、不來不去、不一不異、不常不斷、非有非無——如是等無量相待二法，因是智慧觀，破一切生滅等無常相。

先因無常等故¹⁰¹破常等倒，今亦捨無生無滅等、捨無常觀等，於不生不滅亦不著，亦不墮空無所有中；亦知是不生不滅相不得不著故，亦信用是不生不滅法。

三世十方諸佛真智慧中，信力故通達無礙，是名菩薩得無生忍法，入菩薩位，名阿鞞跋致。¹⁰²

二、初發心以來雖名阿鞞跋致，因阿鞞跋致相未具足故未得授記

是菩薩雖從初發心以來名阿鞞跋致；阿鞞跋致相未具足故，不與授記。¹⁰³

何以故？外道聖人、諸天、小菩薩等作此念：「佛見是人有何等事而與授記？是人於佛道因緣中未住，云何與授記？」是故佛未與授記。

三、二種菩薩：生死肉身，法性生身¹⁰⁴

是菩薩有二種：一者、生死肉身，二者、法性生身。¹⁰⁵

得無生忍法，斷諸煩惱；捨是身後，得法性生身。

肉身阿鞞跋致亦有二種：有於佛前得授記；有不於佛前授記——若佛不在世時，得無生法忍，是不於佛前授記。

四、明未得不退之相

問曰：若爾者，有人讀、誦、說、正憶念，隨順無生法忍義，是人未得禪定，或生疑心、或為著心所牽——如是人比¹⁰⁶，是何等菩薩？為是阿鞞跋致不？

是什麼？「譬喻」的本義是什麼，近代學者，或研究字義，或從現存的「譬喻」部類而分別其性質，而提出種種有意義的解說。我以為：「譬喻」的廣大流行，性質複雜，是三類「譬喻」的結合，應用於通俗教化的結果。

(3) 《原始佛教聖典之集成》，p.607：

然燈佛（Dīpaṃkara）授釋迦記，名「毘尼阿波陀那」。在現存的律部中，唯《四分律》詳說。（案：參見《四分律》卷 31（大正 22，782a-785c））

(4) 毘尼：（毘尼阿波陀那）然燈授記。（印順法師，《大智度論筆記》〔H010〕p.397）

¹⁰⁰ 騰身=飛騰【宋】【元】【明】【宮】【石】。（大正 25，579d，n.27）

¹⁰¹ 〔故〕—【宋】【元】【明】【宮】。（大正 25，580d，n.1）

¹⁰² 阿鞞跋致：得無生忍。（印順法師，《大智度論筆記》〔E004〕p.292）

¹⁰³ 初發心來名阿鞞跋致〔發心決定不退〕。不退相未具足，不與授記。（印順法師，《大智度論筆記》〔E022〕p.320）

¹⁰⁴ 阿鞞跋致—有於佛前授記
—生死肉身—有不於佛前授記。

—阿鞞跋致—法性生身

菩薩—
—信多疑少……若得禪定即得柔順忍—或不退入
—未得阿鞞跋致—信少疑多……少勝誦經人—或退沒。

（印順法師，《大智度論筆記》〔B027〕p.165）

¹⁰⁵ 法性生身，結業生身。（印順法師，《大智度論筆記》〔E012〕p.307）

答曰：

（一）未得禪定，生疑心、著心者不名為阿鞞跋致

是人不名為阿鞞跋致。

阿鞞跋致菩薩，於甚深佛法中尚無疑，何況無生忍初法門！¹⁰⁷

（二）未得阿鞞跋致：信少疑多，疑少信多

是未得阿鞞跋致者，有二種：一者、信少疑多，二者、疑少信多。

疑多信少¹⁰⁸者，於讀誦經人小勝；

信多疑少者，若得禪定，即時得柔順忍，未斷法愛故，或生著心，或還退沒。

是人若常修習此柔順忍，柔順忍¹⁰⁹增長故，斷法愛，得無生忍，入（580b）菩薩位。¹¹⁰

五、結阿鞞跋致相

略說阿鞞跋致相義。

¹⁰⁶ 比（ㄅㄩˊㄨˇ）：3.類，輩。（《漢語大詞典》（五），p.258）

¹⁰⁷ 參見《大智度論》卷 42〈9 集散品〉（大正 25，366c）。

¹⁰⁸ 疑多信少=信少疑多【宋】【元】【明】【宮】。（大正 25，580d，n.2）

¹⁰⁹ 〔柔順忍〕—【宋】【元】【明】【宮】。（大正 25，580d，n.3）

¹¹⁰ 〔柔順忍觀〕——不畢竟淨

二種無生觀—無生忍觀——畢竟清淨……入菩薩位

（印順法師，《大智度論筆記》〔B016〕p.141）

〈釋燈炷品第五十七〉¹¹¹
 (大正 25, 580b2-584c5)

【經】

壹、不退轉菩薩自行功德無邊

(壹) 明因行

一、正歎菩薩

(一) 舉無邊智慧義

1、須菩提歎

須菩提白佛言：「世尊！是阿鞞跋致菩薩摩訶薩大功德成就！世尊！是¹¹²阿鞞跋致菩薩摩訶薩無量功德成就、無邊功德成就！」

2、佛述成，更顯大功德因緣

佛告須菩提：「如是！如是！是阿鞞跋致菩薩摩訶薩大功德成就！是阿鞞跋致菩薩摩訶薩無量、無邊功德成就！何以故？是¹¹³菩薩摩訶薩得無量無邊智慧，不與一切聲聞、辟支佛共故。

阿鞞跋致菩薩住是智慧中，生四無礙智；得是¹¹⁴無礙智故，一切世間天及人無能窮盡。」

3、須菩提讚佛善說不退轉相

須菩提白佛言：「世尊！佛能以如恒河沙等劫歎說阿鞞跋致菩薩摩訶薩行、類、相貌。」

(二) 舉深奧義

1、正明

(1) 約「空、涅槃」等明深奧義

A、須菩提問

須菩提言：「世尊！何等是¹¹⁵深奧處，阿鞞跋致菩薩摩訶薩住是中行六波羅蜜時，具足四念處，乃至具足一切種智？」¹¹⁶

¹¹¹ 卷第七十五首【石】，(大智度……七)十二字=(摩訶般若波羅蜜品第五十六燈炷品卷七十五)十九字【石】，(大智論釋深奧品第五十七上)十二字【宋】【元】【宮】，但論上元本有度字宮本上字上有品字，(釋深奧品第五十七之上經作燈炷深奧品)十七字【明】。(大正 25, 580d, n.6)

¹¹² 〔是〕—【宋】【元】【明】【宮】。(大正 25, 580d, n.7)

¹¹³ 是+ (阿鞞跋致)【元】【明】。(大正 25, 580d, n.8)

¹¹⁴ 是+四、【宋】【元】【明】【宮】。(大正 25, 580d, n.9)

¹¹⁵ 〔是〕—【宋】【元】【明】【宮】。(大正 25, 580d, n.10)

¹¹⁶ 《大般若波羅蜜多經》卷 449 〈55 甚深義品〉：

爾時，善現復白佛言：「世尊！能如殑伽沙劫宣說不退轉菩薩摩訶薩諸行、狀、相，由佛所說諸行、狀、相顯示不退轉菩薩摩訶薩成就無邊殊勝功德。唯願如來、應、正等覺，復為菩薩摩訶薩眾說甚深義，令諸菩薩摩訶薩眾安住其中，能修布施乃至般若波羅蜜多令速圓滿，能住內空乃至無性自性空令速圓滿，能住真如乃至不思議界令速圓滿，能住苦、集、滅、道聖諦令速圓滿，能修四念住乃至八聖道支令速圓滿，……能修一切智、道相智、一切相智令

B、佛答

佛讚須菩提¹¹⁷：「善哉！善哉！須菩提！汝能¹¹⁸為阿鞞跋致菩薩摩訶薩問是深奧處。

須菩提！深奧處者，空是其義，無相、無作、無起、無生、無染、離、寂滅、如、法性、實際、涅槃。須菩提！如是等法，是為深奧義。」¹¹⁹

(2) 約「正觀一切法如」明深奧義

A、正觀諸法如深奧故一切法深奧

須菩提白佛言：「世尊！但空乃至涅槃是深奧，非一切法深奧耶？」

佛言：「一切法亦是深奧義。須菩提！色亦深奧，受、想、行、識亦深奧；眼亦深奧乃至意，色乃至法，眼界乃至意識界，檀波羅蜜乃至般若波羅蜜，四念處乃至阿耨多羅三藐三菩提亦深奧。」

「世尊！云何色深奧乃至阿耨多羅三藐三菩提亦深奧？」

佛言：「色如深奧故¹²⁰，色深奧；受、想、行、識如——乃至阿耨多羅三藐三菩提如深奧故，阿耨多羅三（580c）藐三菩提深奧。」

B、釋因由：如不即不離一切法故

「世尊！云何色如深奧乃至阿耨多羅三藐三菩提如深奧？」

「須菩提！是色如，非是色、非離色；乃至識如，非是識、非離識；乃至阿耨多羅三藐三菩提如，非是阿耨多羅三藐三菩提、非離阿耨多羅三藐三菩提。」¹²¹

速圓滿。」（大正 7，268c13-269a2）

¹¹⁷ 提+（言）【元】【明】【石】。（大正 25，580d，n.11）

¹¹⁸ 〔能〕—【宋】【元】【明】【宮】【石】。（大正 25，580d，n.12）

¹¹⁹ （1）《大般若波羅蜜多經》卷 449〈55 甚深義品〉：

佛告善現：「善哉！善哉！汝今乃能為諸菩薩摩訶薩眾請問如來、應、正等覺甚深義處，令諸菩薩摩訶薩眾安住其中，修住功德令速圓滿。善現當知！甚深義處，謂空、無相、無願、無作、無生、無滅、寂靜、涅槃、真如、法界、法性、實際，如是等名甚深義處。善現當知！如是所說甚深義處種種增語，皆顯涅槃為甚深義。」（大正 7，269a2-9）

（2）印順法師，《空之探究》，p.145：

空與無相等相同，都是涅槃的異名之一；這是依涅槃而說空的。這種種異名，可分為三類：

- 一、無生、無滅、無染、寂滅、離、涅槃：《阿含經》以來，就是表示涅槃〔果〕的。
- 二、空、無相、無願，是三解脫門。「出世空性」與「無相界」，《阿含經》已用來表示涅槃。三解脫是行門，依此而得〔解脫〕涅槃，也就依此來表示涅槃。
- 三、真如、法界、法性、實際：實際是大乘特有的；真如等在《阿含經》中，是表示緣起與四諦理的。到「中本般若」，真如等作為般若體悟的甚深義。

這三類——果，行，理境，所有的種種名字，都是表示甚深涅槃的。

¹²⁰ 故+（故）【宋】【元】【明】【宮】。（大正 25，580d，n.13）

¹²¹ 《大般若波羅蜜多經》卷 450〈55 甚深義品〉：

佛告善現：「色真如非即色非離色，是故甚深；受、想、行、識真如非即受、想、行、識非離受、想、行、識，是故甚深；如是乃至一切菩薩摩訶薩行真如非即一切菩薩摩訶薩行非離一切菩薩摩訶薩行，是故甚深；諸佛無上正等菩提真如非即諸佛無上正等菩提非離諸佛無上正等菩提，是故甚深。」（大正 7，269b21-28）

2、顯益**(1) 須菩提歎佛微妙方便力**

須菩提白佛言：「希有！世尊微妙方便力故，令阿鞞跋致菩薩離色處涅槃，亦令離受、想、行、識處涅槃；亦令離一切法——若世間若出世間、若有諍若無諍、若有漏若無漏法處涅槃¹²²。」¹²³

(2) 佛述成，明菩薩行與般若相應，得無量福德**A、佛述成，顯相應般若行，功德廣無邊**

佛言：「如是！如是！須菩提！佛以微妙方便力故，令阿鞞跋致菩薩離色處涅槃，乃至離有漏、無漏法處涅槃。

須菩提！若菩薩摩訶薩如是甚深法與般若波羅蜜相應，觀察、籌量、思惟，作是念：『我應如是行，如般若波羅蜜中教；我應如是學，如般若波羅蜜中說。』

須菩提！若是菩薩摩訶薩能如說行、如說學、如般若波羅蜜中觀，具足勤精進，一念生時，當得無量無邊阿僧祇福德，是菩薩摩訶薩超越無量劫，近阿耨多羅三藐三菩提；何況常行般若波羅蜜，應¹²⁴阿耨多羅三藐三菩提念！¹²⁵

B、舉喻

須菩提！譬如多婬欲人與端正淨潔女人共期；此女人限礙，不得時往。於須菩提意云何？是人所念為在何處？」¹²⁶

「世尊！是人念念常在彼女人所，恒作是念，憶想當來與共坐臥歡樂。」

「須菩提！是人一日一夜為有幾念生？」

須菩提言：「世尊！是人一日一夜其念甚多！」

C、結成

佛告須菩提：「菩薩摩訶薩念般若波羅蜜，如般若波羅蜜中說行是道，一念頃超越劫數，亦如彼人一日一夜心念之數。是菩薩摩訶薩（581a）行般若波羅蜜，遠離眾罪——所謂離阿耨多羅三藐三菩提罪。¹²⁷

¹²² 《大正藏》原作「樂」，今依《高麗藏》作「槃」（第14冊，1120a9）。

《摩訶般若波羅蜜經》卷17〈57 深奧品〉亦作「槃」（大正8，344a24）。

¹²³ 《大般若波羅蜜多經》卷450〈55 甚深義品〉：

具壽善現復白佛言：「如來甚奇微妙方便，為不退轉地菩薩摩訶薩遮遣諸色顯示涅槃，遮遣受、想、行、識顯示涅槃，如是乃至遮遣一切菩薩摩訶薩行顯示涅槃，遮遣諸佛無上正等菩提顯示涅槃，世尊甚奇微妙方便，為不退轉地菩薩摩訶薩遮遣一切若色若非色、若有見若無見、若有對若無對、若世間若出世間、若共若不共、若有漏若無漏、若有為若無為法顯示涅槃。」（大正7，269b28-c7）

¹²⁴ 應+（念）【石】。（大正25，580d，n.14）

¹²⁵ 《大般若波羅蜜多經》卷450〈55 甚深義品〉：「善現！若菩薩摩訶薩能於如是諸甚深處，依止般若波羅蜜多相應理趣，審諦思惟、稱量觀察，如深般若波羅蜜多所教而住，如深般若波羅蜜多所說而學，是菩薩摩訶薩由能如是精勤修學，依深般若波羅蜜多起一念心，尚能攝取無數無量無邊善根，超無量劫生死流轉，疾證無上正等菩提，況能無間常修般若波羅蜜多，恒住菩提相應作意！」（大正7，269c19-27）

¹²⁶ 《大般若波羅蜜多經》卷450〈55 甚深義品〉：「善現！如多欲人與端嚴女更相愛染共為期契，彼女限礙不獲赴期，此人欲心熾盛流注。善現！於意云何？其人欲念於何處轉？」（大正7，269c27-270a1）

二、校德顯勝

（一）「行般若一日所得善根功德」勝「滿恆沙三千世界之餘德」

是菩薩摩訶薩行般若波羅蜜，一日所得善根功德，假令滿如恆河沙等三千大千世界中餘¹²⁸功德，猶亦不減；於餘殘功德，百分不及一分，千分千億萬分，乃至算數譬喻所不能及。¹²⁹

【論】釋曰：

壹、不退菩薩自行功德無邊

（壹）明因行

一、正歎菩薩

（一）舉無邊智慧義

1、須菩提歎

須菩提聞阿鞞跋致相時，具聞阿鞞跋致功德，心大歡喜；欲¹³⁰讚歎阿鞞跋致功德故，白佛言：「世尊！阿鞞跋致成就大功德！成就無量、無邊功德！」

2、佛述成，更顯大功德因緣

佛可其所讚，更自說大功德等因緣，所謂「阿鞞跋致菩薩得無量無邊智慧，不與聲聞、辟支佛共行」者，¹³¹要先知而後行，行已，受其功德。以是故說功德因緣——由於智慧無量無邊。

「智慧」者，所謂般若波羅蜜。

菩薩住是般若波羅蜜中，能生四無礙智：

- (1) 一切法實義中，智慧無礙無障；
- (2) 既知義無礙已，分別種種諸法名字，為說義故——是名「法無礙」；
- (3) 是名字要由語言¹³²，由語言故，出是種種名字——是名「辭無礙」；
- (4) 得是法無礙及辭無礙故，便樂說諸法實義——是名「樂說無礙」。¹³³

是¹³⁴菩薩安住四無礙中，一切眾生問難，無能窮盡；如大海水，不可傾竭。

¹²⁷ 《大般若波羅蜜多經》卷 450〈55 甚深義品〉：

佛告善現：「若菩薩摩訶薩依深般若波羅蜜多起一念心，如深般若波羅蜜多所說而學，所超生死流轉劫數，與多欲人經一晝夜所起欲念其數量等。善現！是菩薩摩訶薩隨依般若波羅蜜多所說義趣思惟修學，隨能解脫能礙無上正等菩提所有過罪，是故菩薩依深般若波羅蜜多精勤修學疾證無上正等菩提。」（大正 7，270a4-11）

¹²⁸ 〔餘〕—【宋】【元】【明】【宮】。（大正 25，581d，n.1）

¹²⁹ 《大般若波羅蜜多經》卷 450〈55 甚深義品〉：「善現！若菩薩摩訶薩如深般若波羅蜜多所說而住，經一晝夜所獲功德，若此功德有形量者，殑伽沙等三千大千諸佛世界不能容受。假使充滿如殑伽沙三千大千佛之世界諸餘功德比此功德，百分不及一，千分不及一，百百分不及一，乃至鄔波尼殺曇分亦不及一。」（大正 7，270a11-17）

¹³⁰ 〔欲〕—【宋】【元】【明】【宮】。（大正 25，581d，n.3）

¹³¹ 小智小斷是菩薩無生忍：不退菩薩智慧不與二乘共。（印順法師，《大智度論筆記》〔E014〕p.311）

¹³² 語言＝言語【宋】【元】【明】。（大正 25，581d，n.4）

¹³³ 詳見《大智度論》卷 25〈1 序品〉（大正 25，246a22-b13）。

¹³⁴ 〔是〕—【宋】【元】【明】【宮】。（大正 25，581d，n.6）

3、須菩提讚佛善說不退轉相

須菩提聞佛上二品中說阿鞞跋致具足相；¹³⁵入此品，佛方開四無礙門，更欲說阿鞞跋致相。是故須菩提讚佛：「世尊智慧無量無邊，阿鞞跋致功德亦無量無邊。佛¹³⁶若恒河沙等劫樂說，樂說¹³⁷亦不可盡，阿鞞跋致相貌亦不可盡。」

(二) 舉深奧義**1、正明****(1) 約「空、涅槃」等明深奧義****A、須菩提問**

「世尊！何等是阿鞞跋致深奧處？阿鞞跋致菩薩住是深奧處，能具足六波羅蜜、四念處乃至一切種（581b）智。」

B、佛答**(A) 略說空等乃至涅槃是深奧義**

佛歎須菩提：「善哉！汝能為阿鞞跋致菩薩問深奧義。」

佛語須菩提：「空等乃至涅槃是名深奧。」

(B) 別釋**a、「空」是深奧義〔兼明「無相」、「無作」是深奧義〕**

問曰：諸有法種種細分別，人不解故有深；空無所有，以何為深？

答曰：

(a) 第一說：得道空故深**I、釋「空」**

非直口說名字故空；分別解諸有相，內不見有我，外不見定實法。

II、釋「無相」

得是空已，觀一切法相皆是虛誑，有諸過罪。

III、釋「無作」

若滅諸相，更不作願生三界。

此空是得道空，非但口說，是故言「深」。¹³⁸

(b) 第二說：空亦復空故深

復次，空亦復空；若著是空，則有過失，是不名深。

若空從破邪見有故出，是為深；若於空中，亦不著空故亦深。¹³⁹

¹³⁵ 《正觀》(6)，p.187：上二品即指〈55 阿鞞跋致品〉、〈56 轉不轉品〉。

¹³⁶ 佛+ (言)【宋】【元】【明】【宮】。(大正 25，581d，n.7)

¹³⁷ 〔樂說〕—【宋】【元】【明】【宮】。(大正 25，581d，n.8)

¹³⁸ 得道空(三解脫門)——深

二種空 ⊥ 口說空。

(印順法師，《大智度論筆記》[B027] p.165)

¹³⁹ 破有著空

空二種 ⊥ 破有不著空。

(印順法師，《大智度論筆記》[B027] p.166)

b、「無生」是深奧義

復次，觀五眾生滅，破常顛倒；觀畢竟空，破生滅。¹⁴⁰何以故？空中無無常、無生滅故。

「無生滅」有二種：一者、邪見人謂世間常有故無生滅，二者、破生滅故言「無生滅」。¹⁴¹

此中破生滅，亦不著是不生不滅，故名為「深」。

c、「離」、「寂滅」是深奧義

諸煩惱難除，故言：「離欲、寂滅故深。」

d、「如」、「法性」、「實際」是深奧義

錯誤易、真實難，故「如、法性、實際」為深。¹⁴²

e、「涅槃」是深奧義

涅槃，諸梵天等九十六種道所不能及，故深。

復次，涅槃中一切得道人入者永不復出，故深。

(C) 辨「空」之真義¹⁴³

問曰：此中說「空等法深」，是何等空？

答曰：

a、第一說：三昧（心）空

有人言：三三昧——空、無相、無作；心數法名為定，定¹⁴⁴故能觀諸法空。

¹⁴⁰ 「觀五眾生滅——破常。

備破八倒——觀畢竟空——破生滅。（印順法師，《大智度論筆記》〔B028〕p.166）

¹⁴¹ 「邪見不生滅——謂世間常有故。

二種無生滅——正觀不生滅——破生滅故。（印順法師，《大智度論筆記》〔B028〕p.167）

¹⁴² 參見《大智度論》卷 32〈1 序品〉（大正 25，297b24-299a21）。

¹⁴³ 印順法師，《中觀今論》，pp.73-75：

《智度論》（卷七四）又說有三種空：一、三昧（心）空，二、所緣（境）空，三、自性空。「三昧空」，與上面三空中的觀空不同。這是就修空觀——三三昧的時候，在能觀的心上所現的空相說的。如十遍處觀，在觀青的時候，一切法皆青，觀黃時一切法皆黃，青黃等都是觀心上的觀境。這樣，空也是因空觀的觀想而空的。經上說種種法空，但依能觀的觀慧而觀之為空，於外境上不起執著而離戲論，所以名空，而實此種種法是不空的。這等於說：空是觀心想像所成的，不是法的本相。這樣，必執有不空的，不能達到也不會承認一切法空的了義教說。「所緣空」，與上說相反，是所緣的境界是空的，能觀心這才託所緣空境而觀見它是空。此所緣空，即必然是能觀不空，這與前三空中的觀空相近。不過，觀空約境隨觀心而轉移說，所緣空約所緣境無實說。龍樹曾評論道：「有人言：三三昧無相無作心數法名為空，空故能觀諸法空。有人言：外所緣色等諸法皆空，緣外空故名空三昧。此中佛說，不以空三昧故空，亦不以所緣外色等諸法故空。……離是二邊說中道，所謂諸法因緣和合生，是和合法無有一定法故空。」

龍樹所明此——《般若經》中所說的「無有一定法故空」，即說一切法緣合而成，緣合即無定性，無定性即是空，此空即指無自性的畢竟空說。由此可知，中觀的空義，約緣起法的因果說，從緣起而知無自性，因無自性而知一切法畢竟皆空。若偏於三昧空或所緣空，專在認識論上說，不能即緣起知空，即不能達到一切法空的結論。

¹⁴⁴ 為定定=為空空【宋】【元】【明】【宮】【石】。（大正 25，581d，n.11）

b、第二說：所緣（境）空

有人言：外所緣色等諸法皆空，緣外空故名為空三昧。

c、第三說：自性空

此中佛說：「不以空三昧故空，亦不以所緣外色等諸法故空。」何以故？

若外法不實空，以三昧力故空者，是虛妄不實。

若緣外空故生三昧者，是亦不然！所以者何？若色等法實是空相，則不能生空三昧；若生空三昧，則非是空。

此中說：離是二邊說中道，所謂諸法（581c）因緣和合生，是和合法無有一定法故空。何以故？因緣生法無自性，無自性故即是畢竟空。

是畢竟空，從本以來空，非佛所作，亦非餘人所作；諸佛為可度眾生故說是畢竟空相。是空相是一切諸法實體，不因內外有。¹⁴⁵

是「空¹⁴⁶」有種種名字，所謂「無相」、「無作」、「寂滅」、「離」、「涅槃」等。¹⁴⁷

(2) 約「正觀一切法如」明深奧義

A、正觀諸法如甚深故一切法甚深

須菩提知諸菩薩利根，深著涅槃，為是菩薩故問世尊：「但涅槃甚深，諸法不甚深耶？」

佛答：「正觀色等一切法得涅槃，色等諸法因涅槃故甚深。」

是故《經》中說：「色等如故甚深。」——「色等如」即是正觀。¹⁴⁸

B、釋因由：如不即不離一切法故

須菩提問：「云何色等如故色等法甚深？」

此中佛自說深因緣，所謂「如，非是色、非離色。」¹⁴⁹

譬如以泥為瓶，泥非即是瓶、不離泥有瓶，亦不得言無瓶。

2、顯益

(1) 須菩提歎佛微妙方便力

須菩提知是因緣法甚深，如大海無有底故，讚言：「希有！世尊！佛以微妙方便力故，令菩薩離色等諸法，處於涅槃，亦不著涅槃，亦不住¹⁵⁰世間，是微妙方便。」

¹⁴⁵ (1) 「智慧淨」……………智空
 | 相待不離，世間常法 |
 淨「所緣淨」……………境空 |空
 「實相本淨—離緣離智……………離上二邊說中道—緣生無性，本來空寂」
 (印順法師，《大智度論筆記》〔B023〕p.155)

(2) 空：非境空，非智空；緣生無性，假名畢竟空。(印順法師，《大智度論筆記》〔E015〕p.312)

¹⁴⁶ 空+ (相)【宋】【元】【明】【宮】。(大正 25, 581d, n.13)

¹⁴⁷ 空之異名。(印順法師，《大智度論筆記》〔E015〕p.312)

¹⁴⁸ 色等如即是正觀。(印順法師，《大智度論筆記》〔E022〕p.320)

¹⁴⁹ (1) 真如：不離色，不即色。(印順法師，《大智度論筆記》〔E008〕p.300)

(2) 色如，非是色，非離色。(印順法師，《大智度論筆記》〔E022〕p.320)

¹⁵⁰ 住=惡【石】。(大正 25, 581d, n.14)

(2) 佛述成，明菩薩行與般若相應，得無量福德

A、佛述成，顯相應般若行，功德廣無邊

(A) 菩薩行與般若相應，得無量福德

佛可其所說，讚歎菩薩行諸法實相果報福德，告須菩提：「如是甚深法與般若相應，觀察、籌量等一念生時，得無量無邊阿僧祇福德。」

※ 因論生論：云何菩薩觀畢竟空卻得無量福德

問曰：二乘無漏法尚無果報福德，何況大乘畢竟空觀法得無量福德！而福德從大慈悲愍眾生故生，如罪亦由惱害眾生故得。

答曰：二乘無漏心中煩惱盡故，無果報福德；菩薩煩惱未盡故，應有福德果報。

復次，二乘於實際證故，燒盡諸功德；菩薩不證，更有生故，便有福德。

(B) 釋菩薩得無量福德之理

復次，人於實事錯謬故福德少，正行實事故得福多。如施畜¹⁵¹生得百倍，(582a) 施惡人得千倍，施善人得十萬倍，施離欲人得十億萬倍，施須陀洹等諸聖人得無量福。¹⁵²

凡夫人雖離欲行慈悲心，不得實法相故，不得作無量福田；

須陀洹雖未離欲，分別諸法實相故，福田無量。

諸法實相，得有深淺；¹⁵³是故菩薩深入實相故，一念中福德無量無邊。

B、舉喻

此中念念福德多，故說譬喻：眾生心雖念念生滅，但相續生故，不覺隨滅。淫欲人心深著所欲，不遂情故，心生憶念、取相，種種分別不來因緣事——所謂「彼女為心自悔不來？為人遮不來？」如是等多生覺觀心。是心易覺知故，以為譬喻。

C、結成

如是一念因¹⁵⁴緣事超一劫。

¹⁵¹ 畜=眾【宋】【宮】。(大正 25, 581d, n.15)

¹⁵² (1)《中阿含經》卷 39 (155 經)《須達哆經》：「居士！若梵志隨藍行如是大施，若復有施滿閻浮場凡夫食者，此於彼施為最勝也。居士！若梵志隨藍行如是大施，及施滿閻浮場凡夫人食，若復有施一須陀洹食者，此於彼施最為勝也。居士！若梵志隨藍行如是大施，及施滿閻浮場凡夫人食，施百須陀洹食，若復有施一斯陀含食者，此於彼施為最勝也。居士！若梵志隨藍行如是大施，及施滿閻浮場凡夫人食，施百須陀洹、百斯陀含食，若復有施一阿那含食者，此於彼施為最勝也。居士！若梵志隨藍行如是大施，及施滿閻浮場凡夫人食，施百須陀洹、百斯陀含、百阿那含食，若復有施一阿羅訶食者，此於彼施為最勝也。」

居士！若梵志隨藍行如是大施，及施滿閻浮場凡夫人食，施百須陀洹、百斯陀含、百阿那含、百阿羅訶食，若復有施一辟支佛食者，此於彼施為最勝也。居士！若梵志隨藍行如是大施，及施滿閻浮場凡夫人食，施百須陀洹、百斯陀含、百阿那含、百阿羅訶、百辟支佛食，若復有施一如來、無所著、等正覺食者，此於彼施為最勝也。居士！若梵志隨藍行如是大施，及施滿閻浮場凡夫人食，施百須陀洹、百斯陀含、百阿那含、百阿羅訶、百辟支佛食，若有作房舍，施四方比丘眾者，此於彼施為最勝也。」(大正 1, 677b21-c17)

(2) 依施主報分大小。(印順法師，《大智度論筆記》[E022] p.320)

¹⁵³ 實相有淺有深。(印順法師，《大智度論筆記》[E022] p.320)

如人服軟¹⁵⁵藥，一歲乃差¹⁵⁶病；服大力藥，一日¹⁵⁷能差。菩薩亦如是，行五波羅蜜，久久乃成佛者；有行般若波羅蜜，疾得成佛者。¹⁵⁸

二、校德顯勝

(一)「行般若一日所得善根功德」勝「滿恆沙三千世界之餘德」

復次，一日¹⁵⁹行般若波羅蜜功德，假令有形，取滿如恒河沙等三千大千世界中，於一日中正功德體，猶故不減，於此福德，百分不及一，乃至算數譬喻所不能及。

【經】

(二)「深般若中一日如說修行所得福德」勝「離般若供養三寶、聖眾」

1、離般若供養三寶

復次，須菩提！若菩薩摩訶薩遠離般若波羅蜜，如恒河沙等劫布施三寶——佛寶、法寶、比丘僧寶。須菩提！於¹⁶⁰意云何？是菩薩摩訶薩以是因緣故，得福多不？」

須菩提言：「世尊！甚多！無量無邊阿僧祇。」

佛告須菩提：「不如菩薩摩訶薩深般若波羅蜜中一日如說修行得福多。何以故？般若波羅蜜是諸菩薩摩訶薩道，乘是道，疾得阿耨多羅三藐三菩提。」

2、離般若供養眾聖

須菩提！若菩薩遠離般若波羅蜜，如恒河沙劫供養須陀洹、斯陀含、阿那含、阿羅漢、辟支佛及諸佛。須菩(582b)提！於意云何？是菩薩摩訶薩以是因緣故，得福多不？」

須菩提言：「世尊！甚多！」

佛言：「不如是菩薩摩訶薩深般若波羅蜜如說修行一日得福多。何以故？菩薩摩訶薩行是般若波羅蜜，過一切聲聞、辟支佛地，入菩薩位，漸漸得阿耨多羅三藐三菩提。」

(三)「一日如所說住般若中行布施等六法所得福德」勝「離般若行布施等六法

須菩提！菩薩摩訶薩遠離般若波羅蜜，如恒河沙劫，行¹⁶¹布施、持戒、忍辱、精進、禪定、智慧。於意云何？是人以是因緣故，得福多不？」

須菩提言：「世尊！甚多！」

¹⁵⁴ 一念因=念一日【宋】【元】【明】。(大正 25, 582d, n.1)

¹⁵⁵ 軟=濡【宋】【元】【明】【宮】。(大正 25, 582d, n.3)

¹⁵⁶ 差(彳斤、): 病除。《方言》第三: “差, 愈也。南楚 病愈者謂之差。”(《漢語大詞典》(二), p.973)

¹⁵⁷ (1) 日=日【宋】【元】【明】【宮】* [*1]。(大正 25, 582d, n.4)

(2) 《大正藏》原作「日」, 今依【宋】【元】【明】【宮】作「日」。

¹⁵⁸ (1) 有行五度——久久乃成。

二種菩薩——有行般若——疾得成佛。(印順法師, 《大智度論筆記》[B028] p.167)

(2) 成佛遲速: 或久久成, 或疾得。(印順法師, 《大智度論筆記》[E003] p.289)

¹⁵⁹ (1) 日=日【宋】【元】【明】【宮】* [*1]。(大正 25, 582d, n.4)

(2) 《大正藏》原作「日」, 今依【宋】【元】【明】【宮】作「日」。

¹⁶⁰ 於+(汝)【宋】【元】【明】【宮】【石】。(大正 25, 582d, n.6)

¹⁶¹ [行]—【宋】【元】【明】【宮】。(大正 25, 582d, n.8)

佛言：「不如是菩薩摩訶薩行般若波羅蜜如說修行，一日布施、持戒、忍辱、精進、禪定、智慧得福多。何以故？須菩提！般若波羅蜜是菩薩摩訶薩母故，是般若波羅蜜能生諸菩薩摩訶薩。諸菩薩摩訶薩住般若波羅蜜中，能具足一切佛法。」

（四）「一日住般若中行法施所得福德」勝「離般若行法施」

須菩提！若菩薩摩訶薩遠離般若波羅蜜，如恒河沙劫壽行法施。須菩提！於汝意云何？是人得福多不？」

須菩提言：「甚多！世尊！」

佛言：「不如是善男子、善女人深般若波羅蜜如說修行乃至一日法施得福多。何以故？須菩提！是菩薩摩訶薩不遠離般若波羅蜜，則不遠離一切種智；不遠離一切種智，則不遠離般若波羅蜜。以是故，須菩提！菩薩摩訶薩欲得阿耨多羅三藐三菩提，不當遠離般若波羅蜜。」

（五）「一日如所說住般若中行三乘道法所得福德」勝「離般若行三乘道法」

須菩提！若菩薩摩訶薩如恒河沙劫遠離般若波羅蜜，修行四念處乃至八聖道分、內空乃至一切種智。須菩提！於汝意云何？是善男子、善女人得福多不？」

須菩提言：「世尊！甚多！」

佛言：「不如是善男子、善女人深般若波羅蜜如說一日修行四念處乃至一切種智(582c)得福多。」

何以故？須菩提！若菩薩摩訶薩不遠離般若波羅蜜，於薩婆若轉者，無有是處！

須菩提！若菩薩摩訶薩遠離般若波羅蜜，於薩婆若轉，則有是處。

須菩提！以是故，菩薩摩訶薩常不應遠離般若波羅蜜行。¹⁶²

（六）「一日相應般若行施定福德迴向所得福德」勝「離般若行施定福德迴向」

須菩提！若菩薩摩訶薩遠離般若波羅蜜，如恒河沙劫壽財施、法施及禪定福德，迴向阿耨多羅三藐三菩提。於汝意云何？是人得福多不？」

須菩提言：「世尊！甚多！甚多！」

佛言：「不如是善男子、善女人深般若波羅蜜如說修行乃至一日財施、法施、禪定福德，迴向阿耨多羅三藐三菩提得福多。何以故？是第一迴向，所謂般若波羅蜜迴向。若遠離般若波羅蜜迴向，是不名迴向。¹⁶³

須菩提！以是故，菩薩摩訶薩欲得阿耨多羅三藐三菩提，應方便學般若波羅蜜迴向。」

（七）「一日相應般若隨喜迴向所得福德」勝「離般若行隨喜迴向」

須菩提！若善男子、善女人遠離般若波羅蜜，如恒河沙劫壽過去、未來、現在諸佛及弟子善根和合，隨喜迴向阿耨多羅三藐三菩提。須菩提！於汝意云何？是人得福多不？」

¹⁶² 《大般若波羅蜜多經》卷 450〈55 甚深義品〉：「所以者何？善現！若菩薩摩訶薩不遠離般若波羅蜜多，於一切智智而有退轉無有是處。若菩薩摩訶薩遠離般若波羅蜜多，於一切智智而有退轉斯有是處。是故，善現！若菩薩摩訶薩欲得無上正等菩提，常應不離甚深般若波羅蜜多。」（大正 7，270c17-22）

¹⁶³ 正回向：遠離般若不名回向。（印順法師，《大智度論筆記》〔E012〕p.307）

須菩提言：「世尊！甚多！」

佛言：「不如是善男子、善女人深般若波羅蜜如說修行乃至一日隨喜善根迴向阿耨多羅三藐三菩提得福多。須菩提！以是故，菩薩摩訶薩欲得阿耨多羅三藐三菩提，應學般若波羅蜜中方便迴向阿耨多羅三藐三菩提。」

三、釋成福德殊勝義

(一) 須菩提問

須菩提白佛言：「世尊！如佛所說：『因緣起法從妄想生，非實。』云何善男子、善女人得大福德？世尊！用是因緣起法，不應得正見、入法位，不應得須陀洹果，乃至不應得阿耨多羅三藐三菩提果。」¹⁶⁵

(二) 佛答

1、佛印可，有為虛誑，心不著福德

佛(583a)告須菩提：「如是！如是！須菩提！用是因緣起法，不應得正見、入法位，乃至不應得阿耨多羅三藐三菩提。」

2、善學十八空，憐愍眾生故，不離般若而修集福德

須菩提！行般若波羅蜜菩薩摩訶薩，知因緣起法亦空¹⁶⁶、無堅固、虛誑不實。何以故？須菩提！是菩薩摩訶薩善學內空乃至善學無法有法空故。是菩薩摩訶薩住是十八空，種種觀作法空，即不遠離般若波羅蜜。¹⁶⁷

3、常不離般若，漸得無數、無量、無邊福德

(1) 正說

若菩薩摩訶薩如是漸漸不¹⁶⁸離般若波羅蜜，漸漸得無數、無量、無邊福德。」¹⁶⁹

(2) 釋「無數、無量、無邊」

須菩提白佛言：「世尊！無數、無量、無邊，有何等異？」

「須菩提！無數者，名不墮數中——若有為性中、若無為性中。無量者，量不可得——若過去、若未來、若現在。無邊者，諸法邊不可得。」¹⁷⁰

¹⁶⁴ (是) + 阿【宋】【元】【明】【宮】。(大正 25, 582d, n.10)

¹⁶⁵ 《大般若波羅蜜多經》卷 450〈55 甚深義品〉：

爾時，具壽善現白佛言：「世尊！如佛所說，諸行皆是分別所作，從妄想生都非實有。以何因緣是諸菩薩摩訶薩等行財施等獲福無數無量無邊？世尊！分別所作財施等福應不能起真實正見，不能趣入正性離生，不能得預流果、或一來果、或不還果、或阿羅漢果、或獨覺菩提，亦不能得所求無上正等菩提。」(大正 7, 271a27-b4)

¹⁶⁶ 依他起空。(印順法師，《大智度論筆記》[E015] p.312)

¹⁶⁷ 《大般若波羅蜜多經》卷 450〈55 甚深義品〉：「善現！諸菩薩摩訶薩行深般若波羅蜜多，知一切種分別所作財施等法空無所有，虛妄不實。所以者何？善現！我說一切分別所作財施等法無不皆空性相非有，是虛妄非堅實。何以故？善現！諸菩薩摩訶薩善學內空乃至善學無性自性空，如佛所說而通達故。善現！是菩薩摩訶薩安住空已，如如觀察分別所作財施等福空無所有，虛妄不實，如是如是能不遠離甚深般若波羅蜜多。」(大正 7, 271b9-17)

¹⁶⁸ 不 + (遠)【宋】【元】【明】【宮】【石】。(大正 25, 583d, n.2)

¹⁶⁹ 《大般若波羅蜜多經》卷 450〈55 甚深義品〉：「如如不離甚深般若波羅蜜多，如是如是獲福無數無量無邊，由此因緣起實正見，亦能趣入正性離生乃至能證所求無上正等菩提。」(大正 7, 271b17-20)

四、佛以方便力種種異名說諸法實相

（一）五蘊空故無數、無量、無邊

須菩提言：「世尊！頗有色亦無數、無量、無邊？頗有受、想、行、識亦無數、無量、無邊？」

「須菩提！有因緣，色亦無數、無量、無邊，受、想、行、識亦無數、無量、無邊。」

「世尊！何等因緣故，色亦無數、無量、無邊，受、想、行、識亦無數、無量、無邊？」

佛告須菩提：「色空故，無數、無量、無邊；受、想、行、識空故，無數、無量、無邊。」¹⁷¹

（二）一切法皆空

1、正明一切法空

「世尊！但色空、受想行識空，非一切法空耶？」

「須菩提！我不說一切法空耶？」

須菩提言：「世尊說一切法空。」¹⁷²

2、辨空之異名

（1）須菩提說

世尊！諸法空，即是不可盡、無有數、無量、無邊。

世尊！空中數不可得、量不可得、邊不可得。以是故，世尊！是不可盡、無數、無量、無邊義，無有異。」¹⁷³

（2）佛言：空不可說，而佛以方便力種種異名說

佛告須菩提：「如是！如是！是法義無別異。須菩提！是法不可說，佛以方便力故分別說——所謂不可盡、無數、無量、無邊、無著、空、無想¹⁷⁴、無作、無起、無生、無滅、無染、涅槃。佛種種因緣，以方便力說。」¹⁷⁵

¹⁷⁰ 《大般若波羅蜜多經》卷 450〈55 甚深義品〉：

佛告善現：「言無數者，數不可得，不可數在有為界中，不可數在無為界中。言無量者，量不可得，不可量在過去法中，不可量在未來法中，不可量在現在法中。言無邊者，邊不可得，不可測度彼邊際故。」（大正 7，271b22-26）

¹⁷¹ 《大般若波羅蜜多經》卷 450〈55 甚深義品〉：

佛告善現：「色自性空故亦說無數、無量、無邊，受、想、行、識自性空故亦說無數、無量、無邊。」（大正 7，271c3-5）

¹⁷² 《大般若波羅蜜多經》卷 450〈55 甚深義品〉：

善現對曰：「佛雖常說一切法皆自性空，而我亦已了，而諸有情不知、見、覺，故我今者復作是問。」（大正 7，271c8-10）

¹⁷³ 《大般若波羅蜜多經》卷 450〈55 甚深義品〉：「世尊！一切法自性空即是無盡，亦是無數，亦是無量，亦是無邊。世尊！一切法自性空中，盡不可得、數不可得、量不可得，邊不可得，由此因緣無盡、無數、無量、無邊，若義若文俱無差別。」（大正 7，271c10-14）

¹⁷⁴ 想=相【宋】【元】【明】【宮】。（大正 25，583d，n.3）

¹⁷⁵ 《大般若波羅蜜多經》卷 450〈55 甚深義品〉：

佛告善現：「如是！如是！如汝所說。無盡、無數、無量、無邊，若義若文俱無差別，皆共

(貳) 明得菩提果**一、就不增不減義明得菩提果****(一) 一切法空不可說，即是不增不減義**

須菩提白佛言 (583b)：「希有！世尊！諸法實相不可說，而佛以方便力說。世尊！如我解佛所說義，一切法亦不可說。」

佛言：「如是！如是！須菩提！一切法不可說。一切法不可說相即是空，是空不可說。」¹⁷⁶

「世尊！不可說義有增有減不？」

佛言：「不也！須菩提！不可說義無增無減。」

(二) 法雖無增減，而菩薩以方便力能得無上菩提**1、須菩提難**

「世尊！若不可說義無增無減，檀波羅蜜亦當無增無減，乃至般若波羅蜜亦當無增無減；四念處乃至八聖道分亦當無增無減；四禪、四無量心、四無色定、五神通、八背捨、八勝處、九次第定、佛十力、四無所畏、四無礙智、十八不共法亦當無增無減。世尊！若菩薩摩訶薩六波羅蜜不增乃至十八不共法不增者，云何菩薩摩訶薩得阿耨多羅三藐三菩提？」

2、佛答**(1) 佛印可**

佛言：「如是！如是！須菩提！不可說義無增無減。」

(2) 闡義**A、不取法相行六度，如無上道正迴向**

菩薩摩訶薩習行般若波羅蜜，有方便力故，不作是念：『我增般若波羅蜜乃至增檀波羅蜜。』當作是念：『但名字故，名檀波羅蜜。』

是菩薩摩訶薩行檀波羅蜜時，是心及善根，如阿耨多羅三藐三菩提相迴向；乃至行般若波羅蜜時，是心及善根，如阿耨多羅三藐三菩提相迴向。」¹⁷⁷

顯了諸法空故。善現！一切法空皆不可說，如來方便說為無盡，或說無數，或說無量，或說無邊，或說為空，或說無相，或說無願，或說無作，或說無生，或說無滅，或說離染，或說寂滅，或說涅槃，或說真如，或說實際，如是等義皆是如來方便演說。」(大正 7，271c14-22)

¹⁷⁶ 《大般若波羅蜜多經》卷 450〈55 甚深義品〉：

爾時，善現復白佛言：「世尊！甚奇方便善巧諸法實相不可宣說，而為有情方便顯示。世尊！如我解佛所說義者，一切法性皆不可說。」

佛告善現：「如是！如是！一切法性皆不可說。何以故？一切法性皆畢竟空，無能宣說畢竟空者。」(大正 7，271c22-27)

¹⁷⁷ 《大般若波羅蜜多經》卷 450〈55 甚深義品〉：

佛告善現：「如是！如是！不可說義無增無減，六波羅蜜多亦無增無減，乃至一切智、道相智、一切相智亦無增無減。不可說義無所有，六波羅蜜多亦無所有，乃至一切智、道相智、一切相智亦無所有。善現！諸菩薩摩訶薩修行般若波羅蜜多，安住般若波羅蜜多，方便善巧，不作是念：『我於般若波羅蜜多乃至布施波羅蜜多若增若減。』但作是念：『唯有名想謂為般若波羅蜜多乃至布施波羅蜜多。』善現！是菩薩摩訶薩修行布施波羅蜜多時，持此布施波羅

B、不離般若，常觀諸法如無增無減得無上菩提

須菩提白佛言：「世尊！何等是阿耨多羅三藐三菩提？」

佛言：「一切¹⁷⁸法如相是名阿耨多羅三藐三菩提。」¹⁷⁹

須菩提白佛言：「世尊！何等是一切法如相是阿耨多羅三藐三菩提？」

佛告須菩提：「色如相，受、想、行、識如相，乃至涅槃如相，是阿耨多羅三藐三菩提。

是如相亦不增不減。

須菩提！是菩薩摩訶薩不離般若波羅蜜，常觀是如法，不見有增有減。以是因緣故，須菩提！（583c）不可說義無增無減，檀波羅蜜亦不增不減，乃至十八不共法亦不增不減。

須菩提！菩薩摩訶薩以是不增不減法故，應般若波羅蜜行。」¹⁸⁰

【論】釋曰：

（二）「深般若中一日如說修行所得福德」勝「離般若供養三寶、聖眾」

1、出所行

（1）約離般若供養三寶

「離般若波羅蜜，恒河沙劫供養三寶」不及「一日行般若」。

（2）約離般若供養眾聖

又復「有人住壽如恒河沙等劫供養須陀洹等」亦不及「一日行般若」。

2、釋因由

此中佛自說因緣：「菩薩行般若，過二地，入菩薩位，成無上道。」

（三）「一日如所說住般若中行布施等六法所得福德」勝「離般若行布施等六法」

又復「遠離般若，恒河沙等劫行布施等六法」亦不及「一日如所說住般若中行布施等六法」。

是中說勝因緣：「般若是諸佛母，住是般若中，能具足諸佛法。」（財施章）¹⁸¹

蜜多俱行作意，并依此起心及善根，與諸有情平等共有迴向無上正等菩提，如佛無上正等菩提微妙甚深而起迴向。如是乃至修行般若波羅蜜多時，持此般若波羅蜜多俱行作意，并依此起心及善根，與諸有情平等共有迴向無上正等菩提，如佛無上正等菩提微妙甚深而起迴向，由此迴向巧方便力證得無上正等菩提。」（大正 7，272a17-b6）

¹⁷⁸ 切=世【宋】【宮】。（大正 25，583d，n.7）

¹⁷⁹ 無上菩提：即一切法如相。（印順法師，《大智度論筆記》〔E001〕p.285）

¹⁸⁰ 《大般若波羅蜜多經》卷 450〈55 甚深義品〉：「善現！一切真如無增無減故諸佛無上正等菩提亦無增無減。善現！諸菩薩摩訶薩不離般若波羅蜜多，常樂安住諸法真如，都不見法有增有減。由此因緣不可說義無增無減，布施波羅蜜多亦無增無減，淨戒、安忍、精進、靜慮、般若波羅蜜多亦無增無減，乃至一切智亦無增無減，道相智、一切相智亦無增無減。不可說義無所有，六波羅蜜多亦無所有，乃至一切智、道相智、一切相智亦無所有。善現！諸菩薩摩訶薩依止無增減、無所有為方便，修行般若波羅蜜多，由此為門集諸功德，便證無上正等菩提。」（大正 7，272c13-24）

¹⁸¹ （財施章）夾註=（施財竟）夾註【宋】【元】【宮】，=（施財竟）本文【明】，=（財施竟）夾註【石】。（大正 25，583d，n.9）

〔四〕「一日住般若中行法施所得福德」勝「離般若行法施」

「若遠離般若，如恒河沙等劫行法施」不及「一日住般若中行法施」。

〔五〕「一日如所說住般若中行三乘法所得福德」勝「離般若行三乘法」

復次，「遠離般若，用聲聞、辟支佛法修行四念處如恒河沙等劫」不如「一日如所說住般若中修四念處」；乃至一切種智。

此中自說勝因緣，所謂：「不離般若，於薩婆若轉者，無有是處。」

〔六〕「一日相應般若行施定福德迴向所得福德」勝「離般若行施定福德迴向」

復次，「菩薩離般若，如恒河沙等劫財施、法施、禪定生福德，迴向無上道」不如「一日應般若財施、法施、禪定生福德，迴向無上道」。

何以故？般若波羅蜜無雜毒、正迴向故。

〔七〕「一日相應般若隨喜迴向所得福德」勝「離般若行隨喜迴向」

復次，「若菩薩離般若，壽如恒河沙劫等，十方三世諸佛功德，隨喜迴向無上道」不如「一日應般若隨喜迴向」。

三、釋成福德殊勝義**〔一〕須菩提問**

爾時，須菩提難佛：「如佛說：『一切有為法虛誑、不實、如幻，不能生正見、入正位。』云何菩薩一日福德勝？」

〔二〕佛答**1、佛印可，有為虛誑，心不著福德**

佛可其言：「如是！如是！有為法皆虛誑，不得以虛誑法入正位、得聖道。

菩薩行般若波羅蜜時，所作福德，知皆虛誑、空、無堅固，(584a) 心不著是福德。是福德清淨故，勝餘福德。」如金剛雖小，能摧破大山。

2、善學十八空，憐愍眾生故，不離般若而修集福德**〔1〕善學十八空**

此中佛說：「菩薩善學¹⁸²十八空¹⁸³。」

〔2〕憐愍眾生故，不離般若而修集福德

雖觀空，而能行諸功德；雖知涅槃無上道，而憐愍眾生故修集福德。

雖知一切法相不可說，而為眾生種種方便說法；雖知法性中無有分別、一相無相，而為眾生分別是善是不善、是可行是不可行、是取是捨、是利是失等。

若菩薩雖觀畢竟空，而能起諸福德，是名「不離般若波羅蜜行」。¹⁸⁴

3、常不離般若，漸得無數、無量、無邊福德**〔1〕正說**

若菩薩常不離般若波羅蜜，漸得無數、無量、無邊功德。

¹⁸² (巧) + 學【宋】【元】【明】【宮】【石】。(大正 25, 584d, n.1)

¹⁸³ 「十八空」義，參見《大智度論》卷 31〈1 序品〉(大正 25, 285b6-296b2)。

¹⁸⁴ 不著一邊之行。(印順法師，《大智度論筆記》[E001] p.285)

何以故？若菩薩初學般若時，煩惱力強，般若力弱；漸漸得般若力，斷諸煩惱、滅諸戲論，是故得福德無數、無量、無邊。

(2) 釋「無數、無量、無邊」

「無數」、「無量」、「無邊」義，佛自分別說。
所謂「無數」者，不墮若有為性中、若無為性中。
三世量不可得，故名「無量」。
十方邊¹⁸⁵不可得，故名「無邊」。

四、佛以方便力種種異名說諸法實相

(一) 五蘊空故無數、無量、無邊

須菩提問佛：「五眾¹⁸⁶頗有因緣亦無數、無量、無邊耶？」
佛答：「有！以五眾空故，亦無數、無量、無邊。」

(二) 一切法皆空

1、正明一切法空

須菩提問：「世尊！但五眾空，非一切法空耶？」
佛答：「一切法空。」

2、辨空之異名¹⁸⁷

(1) 須菩提說

須菩提言：「是空法即不可盡，『不可盡』故即是『無數』，『無數』即是『無量』，『無量』即是『無邊』。是故空中，盡不可得故名『無盡』，數不可得故名『無數』，量不可得故名『無量』，邊不可得故名『無邊』。」¹⁸⁸
四事名雖異，義是一，所謂「畢竟空」。

(2) 佛說

A、空不可說，而佛以方便力種種異名說

佛可其言：「如是！」
更自說因緣：「須菩提！是空法相不可說；若不¹⁸⁹可說，不名為空。佛以大慈悲心憐愍眾生故方便為說，強作名字語言，令眾生得解¹⁹⁰——所謂空，或說不可盡、無數、無量、無邊等。」

B、釋無數、無量、無邊……涅槃等義

是實相不生、不作，故說「不盡」。

諸聖(584b)人得諸法實相，入無餘涅槃時，不墮六道數；是實相法亦不墮有為、無為等諸法數中，是故說「無數」。¹⁹¹

¹⁸⁵ 邊+ (亦)【宋】【元】【明】【宮】。(大正 25, 584d, n.2)

¹⁸⁶ 眾=陰【石】。(大正 25, 584d, n.3)

¹⁸⁷ 空之異名。(印順法師，《大智度論筆記》[E015] p.312)

¹⁸⁸ 無數、無量、無邊。(印順法師，《大智度論筆記》[E008] p.301)

¹⁸⁹ [不]—【元】【明】【石】。(大正 25, 584d, n.4)

¹⁹⁰ 方便說法。(印順法師，《大智度論筆記》[E022] p.320)

「量」名以智慧稱量好醜、多少、大小、是非等；諸法實相中，滅諸相故，是故說「無量」。

諸法實相不可量，故說「無邊」。

是實相法寂滅，故說「無著」。

是實相法我所定相不可得，故說「空」。

空故無相，無相故¹⁹²則「無作」、「無起」。

是法常住不壞，故「無生」、「無滅」。

是法能斷三界染，故名「無染」。

更不織煩惱業，故名「涅槃」。

如是等有無量名字，種種因緣說是諸法實相。

〔貳〕明得菩提果

一、就不增不減義明得菩提果

〔一〕一切法空不可說，即是不增不減義

爾時，須菩提白佛：「希有！世尊！諸法實相雖不可說，而佛以方便力說！如我解佛義，非但實相不可說，一切諸法亦不可說。」

佛可其言而說因緣：「一切法終歸於空，歸於空故不可說。不可說義即是無增無減。」

〔二〕法雖無增減，而菩薩以方便力能得無上菩提

1、須菩提難

「若一切法無增無減，六波羅蜜等諸善法亦無增無減；若六波羅蜜善法不增者，云何得無上道？」

2、佛答

〔1〕佛印可

佛可其言，

〔2〕闡義

更為說因緣：

A、不取法相行六度，如無上道正迴向

法雖無增減，而可得無上道，所謂菩薩習行般若波羅蜜，方便力故，雖行檀波羅蜜諸助道法，我¹⁹³我所、憍慢斷故，不作是念：「我增長是六波羅蜜等法。」不取內外諸法相行是謂¹⁹⁴善法，如無上道相迴向。

B、不離般若，常觀諸法如無增無減得無上菩提

須菩提問：「何等是無上道？」

佛答：「諸法如即是無上道。」¹⁹⁵

¹⁹¹ 實相：不墮有為無為中。(印順法師，《大智度論筆記》〔E001〕p.284)

¹⁹² 〔故〕—【宋】【元】【明】【宮】。(大正 25, 584d, n.7)

¹⁹³ 〔我〕—【宮】。(大正 25, 584d, n.9)

¹⁹⁴ 謂=諸【宋】【元】【明】【宮】，〔謂〕—【石】。(大正 25, 584d, n.10)

¹⁹⁵ 無上菩提即諸法如。(印順法師，《大智度論筆記》〔E008〕p.301)

須菩提問：「何等是一切法？」

佛答：「色等法乃至涅槃。是諸法如即是¹⁹⁶寂滅相，是無上道相。」

「寂滅」者，不增不減、不高不下，滅諸煩惱、戲論，不動不壞¹⁹⁷、無所障礙。

「菩薩以般若波羅蜜方便力故，亦能令布施等如寂滅相。」

如是種種因緣（584c）說「無上道相」。

「若菩薩常念無上道寂滅相，令一切法皆同寂滅相，亦觀不可說義——所謂不增不減相；菩薩如是疾得無上道，以不增不減、不可得故。」

¹⁹⁶ 〔即是〕－【宋】【元】【明】【宮】。（大正 25，584d，n.11）

¹⁹⁷ 壞＝增【石】。（大正 25，584d，n.13）